



Elkarretaratzeak Iruñean, Donostian, Bilbon eta Baionan, adierazpen askatasunaren alde

Jon Abrili elkartasuna adierazteko, elkarretaratzeak egin ziren atzo eguerdian Iruñean, Donostian, Bilbon eta Baionan, Abrilek kolaboratzen duen hedabideetako lankideek —tarte EGUNKARIA— deituta. Iruñean hogeita hamar lagun inguru bildu ziren Iruñeko Udaletxe plazan. Elkarretaratuen artean izan ziren Sagrario Aleman IKako arduraduna, Mikel Donazar EITBko Nafa-

roako ordezkari burua eta Iñaki Lasa Kontseiluko kidea. Donostian ehun lagunetik gora elkartu ziren Artzain Ona elizaren aurrean. Han ziren, besteak beste, Mikel Atxaga kazetaria, Ramon Agirre aktorea, Jabi Muguruza musikaria, Aitor Mendiluze bertsolaria, Zutik-eko Joxe Iriarte *Bikila* eta UEMako Iñaki Arregi. Baionan 25 bat lagun bildu ziren, Espainiako Kontsula-

tuaren aurrean. Hainbat hedabidetako jendeak bat egin zuen deialdiarekin, baita euskalgintzako zenbait militantek ere. Politikarien aldetik, Jean-Marc Abadie ABko hautagaia agertu zen. Bilbon 30 lagun bildu ziren Arriaga antzokiaren aurrean. Hainbat kazetariarekin batera, besteak beste ELAko German Kortabarria eta EHNEko Maite Aristegi izan ziren elkarretaratzean.

AUZIAREN JATORRIA

2000ko abuztuaren 17an Auzitegi Nazionalean irudi batzuk grabatzeagatik egotzi zioten ETari laguntza ematea

ERABAKIA

Epaia erekin arriskatzeari edo fiskalaren eskaintza onartu eta kartzelara ez joatea hautatu behar izan du Abrilek

zegoen, eta espetxeratzeko arriskua hor zegoen. Ez gara fio Espainiako sistema judizialarekin, botere politikoarekiko independentziarik ez duelako».

Oskar Goñi Berako zinegotziak ere balorazioa «gazi-gozoa» zela esan zuen. «Gazia, berriz ere agerian geratu delako Espainiako justiziak euskal zaletasuna ernai duen guztiaren aurka duen portaera. Gozoa, azken batean bere egoera pertsonala bideratuko delako. Nik uste, gainera, pertsona garen aldetik poza nagusitzen dela, arrisku gorria begi bistan ikusi dugulako».

Espetxeratzeari saihestu izatea «guti ez» dela eta gustura azaldu zen Jon Abril, bere errugabetasuna arlo juridikotik guztiz defendigarria zela jakin arren. Izan ere, bere kontrako akusazioak ez zuen oinarriarik. Jon Abrilek grabatutako irudietan Poliziaren auto kamuflatu bat ageri zela eta matrikula ikus zitekeela adierazi zuen fiskalak.

Abrilen kasua gertatu baino lehen, eta baita ondoren ere, hainbat aldi izan dira horrelako irudiak Espainiako eta Euskal Herriko telebistetan, eta fiskalak inoiz ez du delituri ikusi haieran.

Auziaren instrukzioa egin zuen epaileak, Juan del Olmok, Abril auzipetu zuenean onartu zuen ezin zela frogatu helburua irudi horiek ETari helaraztea zenik. Abrilek beti akusazioak ukatu izana ere ez zuen kontuan hartu. Eta ustezko laguntza hori gauzatu ez zen arren —bideoa kendu ziotelako—, akusazioari eutsi zion, «Abril ENAMen ingurukoa delako».

Epaimahaiaren jarrera

Auziaren instrukzioan ikusita, Zigor Arloko Lau garren Salak —epaiketa egin behar zuena— gaiaren inguruan izan duen jarrerak eta berau osatzen duten epaileek dituzten aurrekariak ez dute askorik lagundu epaiketara begira itxaropentsu agertzeko.

Epaileek ukatu egin zioten Iñigo Iruin defentsako abokatuari akusazioaren oinarri zen bideo grabazioa. Oinarritzko frogak defentsari ez ematea «eskubideen urraketa argia» dela azaldu zuen Iruinek, eta Estrasburgoko Epaitegira helatzeko modukoa.

Magistratuek beste zenbait auzitan hartutako erabakiak ere aipagarriak dira. Agustín Pedro Lobejon magistratua zen atzoko epaiketako txostengilea. Epaile hori bera izan zen txostengilea Josu Muguruza HBko buruzagiaren hilketagatik Ricardo Saenz de Ynestrillas ultraeskuindarra epaitu zutenean, eta errugabetzat jo zuen Ynestrillas. Raimunda de Peñafor Lorentek, berriz, Iratxe Sorzabalaren tortura salaketa ikeritzen zuen. Kasu horretan torturari ez zela izan, izatekotan lesioak izan zirela esan zuen epaile horrek. Beste magistratuta Alfonso Guevara da.

Abrilen kontrako argudiorik eza frogatzeko aukerarik ez da izan, epaiketa egin ez delako, baina argudiorik gabe ere epaia bere aldekoa izango zela zalan-tzan jartzea ez da harritzekoa.



Eskuinetik hasita, Oskar Goñi Berako zinegotzia, Josu Goia alkatea eta Jon Abrilen aita, epaiketan lekuko gisa agertzekoak ziren beste pertsona batzuekin.

JON ABRIL

«Hoberena delakoan onartu dugu, ez nik neure burua erruduntzat dudalako»

A. Erzibengoa | MADRID

Auzitegitik irten ondoren, pozik ageri zen Jon Abril, pozik, jarritako zigorrajustua ez dela jakin arren, guztia amaitu delako.

■ Bi urteren ondoren hitzarmen batekin amaitu da auzia. Zein balorazio egingen duzu?

Nagusiki salatuko nuke, prozesu guztian nola ibili diren ikusita, orain azken momentuan horrelako eskaintza egitea. Horrek erakusten du zein mailatan dauden gauzak. Bestetik, berriz, lasaitasun eta patxada nabarmenduko nuke, amaitu da guztia, eta horrek zama handia kentzen dit gainera. Hala ere, nolabait zigortua izan naiz, eta hori ere salatu beharra dago. Onartu egin baldin badugu, ez da nik neure



GARI GARAIALDE / ARGAZKI PRESS

burua erruduntzat dudalako, baizik eta irtenbiderik hobere-na delakoan egin dugu.

■ Irtenbiderik hobere-na, zergatik?

Aztartzen aritu gara. Beste aukera zen epaiketa egitea eta atera behar zuena atera zedi-

la. Baina, juridikoki irabazteko aukerak zeuden arren, egoera politikoak ilundu egiten zizkigun aukera horiek, eta ez genuen garbi ikusten zigorra hori baino txikiagoa izanzen zenik; beharbada bai, absolutzioa egon zitekeen, baina arrisku handia zegoen bost edo sei urteko kartzela zigorra izateko.

■ Errugabea izanik zigorra onartzea ez da samurra izango.

Horrek badu bere zama, du-darik gabe, baina nik kontzientzia hagitz lasai dut. Badakit zer gertatu den, eta izugarrizko babesa jaso dut. Nire inguruko jendeak ere badaki zer gertatu den, eta guztion hobe beharrez hartutako erabaki bat izan da, juridikoki justua ez dena, baina moralki egokia una honetan.